

**ISEBE LEMICIMBI YOKUSINGQONGILEYO NOCWANGCISO
LOPHUHLISO
UMTHETHO WOKULONDOLOZWA KWENDALO YESIZWE: UMTHETHO
WEENDAWO ZOLONDOLOZO EZIKHUSELWEYO, 2003
(UMTHETHO 57 KA-2003)
ISAZISO SENJONGO YOKUBHENGEZA INDAWO YOLONDOLOZONDALO
IMOUNT DAVID**

UMphathiswa wePhondo wooRhulumente beeNgingqi, iMicimbi yokuSingqongileyo noCwangciso loPhuhliso eNtshona Koloni (uMphathiswa wePhondo)—

(a) ngokwecandelo 33(1)(a) loMthetho wokuLondolozwa kweNdalo yeSizwe: UMthetho weeNdawo zoLondolozo eziKhuselweyo, 2003 (uMthetho 57 ka-2003) (uMthetho), unika isaziso senjongo yakhe—

(i) yokubhengeza, phantsi kwecandelo 23(1)(a)(i) loMthetho, lo mmandla ulandelayo njengendawo yolondolozondalo (indawo ekujongwe ukuba yenziwe eyolondolozondalo):

Intsalela yeFama iDiepgat enguNombolo 597, ekumasipala iTheewaterskloof, emi kwiBhunga leCaledon, kwiPhondo leNtshona Koloni; kubungakanani: 713 (AmaKhulu asiXhenxe aneShumi elinesiThathu) eehektare; ephantsi kweNombolo yoNikezelo loMhlaba enguT11360/2010, imida yawo iboniswe kwimephu kwiShedyuli; kunye

(ii) nokunika, phantsi kwecandelo 23(1)(b) loMthetho, igama elithi “Indawo yoLondolozondalo iMount David” kwindawo ekujongwe ukuba yenziwe eyolondolozondalo;

(b) wazisa ukuba indawo ekujongwe ukuba yenziwe eyolondolozo ndalo emi kuR321 malunga nama23 km kumntla-mpuma weHermanus kunye ne13 km kumzantsi weCaledon, eyeyona dolophu ikufutshane, njengoko kuboniswe kwimephu kwiShedyuli;

(c) wazisa ukuba iCapeNature ivavanye indawo ekujongwe ukuba yenziwe eyolondolozondalo, kwaye kuyabonakala kolu vavanyo ukuba le ndawo ekujongwe ukuba yenziwe eyolondolozondalo iqulethe inani leempawu ezenza ukuba ikufanele ukubhengezwa njengendawo yolondolozo lwendalo;

(d) wazisa ukuba inyathelo ekujongwe ukuba lenziwe ekubhekiswa kumhlathi (a)(i) liyahlangabezana neemfuno zecandelo 23(2)(b)(i) no-(iii) loMthetho, njengoko lijolise ekukhuseleni indawo ekujongwe ukuba yenziwe eyolondolozondalo,

eneempawu zendalo ezibalulekileyo okanye iintlobontlobo zezityalo nezilwanyana eziphilayo kwaye idinga ukhuseleko ukuze kugcinwe iintlobontlobo zezityalo nezilwanyana eziphilayo okanye ukubonelela ngempahla neenkonzo zokusingqongileyo;

- (e) wazisa ukuba imixholo yeShedyuli kunye neenkcukacha zovavanyo ekubhekiselwe kulo kumhlathi (c) ingajongwa ku-<https://www.capenature.co.za/protected-areas-and-stewardship>;
- (f) wazisa ukuba uMphathiswa wePhondo akazi, okwangoku, ngawo nawaphi na amalungelo anokubakho okanye umdla woluntu lwasekuhlaleni, okanye abachaphazelekayo ngaphandle komnini wendawo ekujongwe ukuba yenziwe eyolondolozondalo, onokuchatshazelwa zizenzo ekujoliswe kuzo ekubhekiswa kuzo kumhlathi (a);
- (g) umema amalungu oluntu ukuba angenise iziphakamiso ezibhaliweyo okanye izichaso ngokuphathelele kwisibhengezo esicetywayo esichazwe kumhlathi (a) zingekapheli iintsuku ezingama60 ukusuka kumhla wokupapashwa kwesi saziso kwiGazethi yePhondo, ngoku—

- (i) zithumela ngeposi iziphakamiso okanye izichaso ku:-

Gqir. Ashley Naidoo
IGosa eliyiNtloko leSigqeba
INgqale kuNks. Kaylin Reid
CapeNature
Private Bag X29
Gatesville 7766;

- (ii) zisa ngesandla iziphakamiso okanye izichaso ku:-

Nks. Kaylin Reid
UMcebisi wezoMthetho
CapeNature
kwiKona yeSitalato iBosduif neVolstruis
Bridgetown
Athlone; okanye

- (iii) zithumela iziphakamiso okanye izichaso ngeimeyili ku:-

kreid@capenature.co.za; kwaye

(h) umema abantu abanomdla okanye abachaphazelekayo ukuba, kwiimeko ezifanelekileyo, bathumele iziphakamiso okanye izichaso zomlomo kuMphathiswa wePhondo, okanye kumntu otyunjwe nguMphathiswa wePhondo, kwixesha elichazwe kumhlathi (g).

Iziphakamiso ezibhaliweyo nezichaso ezifunyenwe, okanye iziphakamiso zomlomo okanye izichaso ezifunyenwe, emva kwexesha lokuvala zisenokungahoywa.

Imibuzo ingabhekiswa kuNks. Kaylin Reid ku087 087 4102.

**Intended
Mount David Provincial
Nature Reserve**

Legend

- Arterial route
- Surrounding farms
- CapeNature reserve boundary

Overview Map of the Western Cape

West Coast, Central Karoo, Cape Winelands, Garden Route, City of Cape Town, Overberg

Theewaterskloof

Botrivier, Caledon, Drayton, Krige, Onrus, Hermanus, Overstrand, Stanford

34°21'43.0"S 19°21'09.3"E

0 0.5 1 2 3 Kilometers